

# Konseho pa korekshon di klèp di wowo

## General

Bo mester mèldu uso di tur remedi adelantá. Un siman promé ku tratamentu i den konsulta ku bo dòkter bo mester stòp di tuma aspirina òf otro remedi kontra doló ku ta kontené e ácido acetylsalicylic. Den konsulta ku bo dòkter òf e servisio di trombosis tambe bo mester para uso di remedi ku ta hasi sanger delegá, manera por ehèmpel Marcoumar, Sintromitis òf Clopidogrel. E dia despues di e prosedura bo por kontinuá uso di e remedinan aki. Si bo ta bou di tratamentu na otro kaminda òf bo ta alérgiko pa sierto supstansia òf remedi, bo mester mèldu esaki tambe.

## E dia di e prosedura

Riba e dia di e prosedura bo por kome i posiblemente tuma bo remedi. Riba e dia ei bo no por apliká makiahe na bo wowonan òf apliká krema pa kara.

## E prosedura

Promé ku e tratamentu un enfermero ta limpia e kueru rondó di e wowonan i ta pinta kaminda mester operá. Ku anestesia lokal pa medio di algun inyekshon, e klèp di wowo parti ariba i abou lo haña anestesia. E tratamentu ta dura mas o ménos 30 minut pa e klèp di wowo parti ariba i mas o ménos un ora pa esnan parti abou. Ta kima e adernan sera durante e prosedura pa asina prevení sangramentu. Ta sera e heridanán ku un kosé ku ta kita atrobe despues di mas o ménos un siman. Ta tapa e puntanan di e kosé ku pleister chikitu. E pleisternan mester keda na lugá pa un siman. No kita nan òf trata di kita òf kòrta e puntanan bo mes!

## Konseho despues di un korekshon di klèp di wowo

1. Si tin un poko pèrdida di sanger, drumi plat i primi e herida pa 10 minüt ku un gas òf pida paña. Despues di 10 minüt e sangramentu mester a para.
2. Ora e anestesia kita, e areanan tratá por sinti doloroso. Ta konsehabel pa tuma un òf dos paracetamol na tempu (por ehèmpel promé ku bo bai drumi). No tuma aspirina. Esaki por hasi sanger delegá.
3. Ora ta trata un korekshon di e klèp di wowo parti abou, por ta asina ku e dòkter ta duna bo un resèpt pa un remedi ku ta prevení infekshon, ku ta promové sanashon di herida i tin un efekto trankilisante. Apliká e krema aki poko poko na rant di e klèp di wowo pa e krema meskla bon ku e líkido di wowo. Ripití esaki dos bia pa dia.
4. Usa un kòmprès friu òf un saku di bonchi di fris durante e promé 3 dianan kada ora pa mas o ménos 10 minüt pa fria i asina prevení hinchamentu i ku rondó di e wowo ta bira blou. No buta e kòmprès friu òf saku di bonchi di fris direktamente riba e kueru i e herida, pero protehá esaki dor di buta un pida gas òf paña bou di e kòmprès friu.
5. Ta konsehabel pa no bebe alkohòl pa 24 ora despues di e tratamentu. Alkohòl por hasi sanger delegá.
6. Si bo kabei di wowo (wemper) ta pegá na otro, bo por limpia nan poko poko ku awa i un pida katuna òf posiblemente ku vaselin.
7. Laga e pleisternan na lugá te ora bo bai poli pa kòntrol i pa kita e puntanan. Bo ta haña un sita pa esaki.
8. Riba e dia di bo prosedura mes bo por baña. Purba tene e klèpnan di wowo seku mas tantu ku ta posibel. Si e klèp di wowo muha, seka nan poko poko ku un sèrbètè.
9. Evitá trabou ku ta eksigí hopi esfuerso, pero tambe di bùk i hisa durante e promé siman. Despues di 7 dia bo por hasi trabou di kas leve i trabou atministrativo. No ta rekomendabel pa hasi trabou duru, landa, bai sauna i deporte intensivo pa e promé dos simannan.
10. Bo por sufrí di lus fèl, prinsipalmente lus di solo, den e promé simannan despues di e prosedura. Hasi uso mas tantu posibel di un brel di solo. Tambe bo por eksperensia un sentimentu lam na e klèp di

wowo òf wemper. Tambe por ta asina ku e klèp di wowo ta sinti stèif, prinsipalmente ora bo ta hasi bo wènkrou. E sensashonnan aki lo disparsé durante e proseso di sanashon di mas o ménos 4 pa 6 luna.

11. Bo tin dos momentu di kòntrol; despues di un siman pa kita e puntanan i pa kontrolá e sikatris. E di dos kòntrol ta despues di 6 pa 8 siman pa wak kon e rekuperashon ta bai.
12. Ta importante ku ta yega na e resultado final despues di 6 luna.

### **Teksto di hustifikashon**

E teksto aki ta destiná pa komplementá e kombersashon ku bo dòkter. E informashon general aki no por hustifiká kada situashon individual tur bia. Si bo tin kualke pregunta despues di lesa e informashon aki, e siruhano plástiko lo ta kontentu di papia ku bo durante ora di konsulta. Por ta útil pa skibi bo preguntanan adelantá.